

Edina Mulalić, dipl. pedagog-psiholog - Magistarski rad

Fakultet/Akademija	FILOZOFSKI FAKULTET
Tip Rada	Magistarski rad
Kandidat, zvanje	Edina Mulalić, dipl. pedagog-psiholog
Naziv Teme	Percepcija porodičnih odnosa i obrasca afektivne privrženosti maloljetnih delinkvenata
Rezime/Abstract	<p>Ovim istraživanjem željeli smo utvrditi da li postoje i kakve su razlike u porodičnoj afektivnoj privrženosti maloljetnih delinkvenata i onih koji nisu maloljetni delinkventi uzimajući u obzir zadovoljstvo porodicom, socio-demografska obilježja, percepciju porodičnih odnosa kroz roditeljsko prihvatanje/odbacivanje i anksioznost. Istraživanjem je obuhvaćen prigodan uzorak od 120 ispitanika. Uzorak je sačinjen od dvije grupe ispitanika. Prva grupa ispitanika bili su maloljetni delinkventi (N=60) koji su evidentirani u Centrima za socijalni rad na području Tuzlanskog kantona, uzrasta 14-18 godina. Kontrolnu grupu sačinjavali su djeca koja ne pokazuju delinkventno ponašanje (N=60) uzrasta 14-18 godina. Rezultati su analizirani adekvatnim multivarijantnim statističkim postupcima koji su odabrani nakon provjere distribucije dobijenih rezultata. Od deskriptivnih statističkih parametara izračunate su apsolutne i procentualne frekvencije, aritmetičke sredine, medijani i prosječni rangovi. Korelacijska analiza vrijednosti dimenzija skale istražena je Pearsonovom linearnom korelacijom. Rezultati su pokazali da ispitanici koji su pripadali grupi maloljetnih delinkvenata, izražavaju manje zadovoljstvo porodicom, da pokazuju manju međusobnu bliskost, povjerenje i razumijevanje u odnosima sa ocem i majkom, te da pokazuju veći osjećaj odbacivanja od strane oca ili majke. Nadalje je utvrđeno da su muška djeca statistički signifikantno češće maloljetni delinkventi. Nije dokazana statistički signifikantna povezanost uzrasta djeteta sa pojavom maloljetničke delinkvencije, niti je dokazano da sredina u kojoj djeca žive (grad, prigradsko naselje i selo) može objasniti pojavu maloljetničke delinkvencije. Rezultati istraživanja su pokazali da djeca koja su maloljetni delinkventi, obično u nešto većem procentu žive sa jednim roditeljem ili sa starateljem. Djeca koja pripadaju porodicama niskog materijalnog statusa i djeca čiji roditelji imaju niži obrazovni status su statistički signifikantno češće maloljetni delinkventi. Istraživanjem je utvrđeno da su emocionalnost majke i oca više doživljavala djeca koja nisu maloljetni delinkventi, nego maloljetni delinkventi. Također je utvrđeno da su veću kontrolu od majke/oce više doživljavala djeca maloljetni delinkventi, nego djeca koja nisu delinkventi. U ovom istraživanju je utvrđeno da maloljetni delinkventi pokazuju statistički značajno veći nivo anksioznosti kako stanja koje se odnosi na prolazna emocionalna stanja, tako i veći nivo anksioznosti kao osobine ličnosti.</p>
Datum	11.02.2016
Predsjednik	Dr. sc. Melisa Husarić, docent izabrana za užu naučnu oblast „Teorijske naučne psihološke discipline“, Filozofski fakultet Univerziteta u Tuzli
Mentor	Dr. sc. Tamara Efenđić Spahić, vanredni profesor izabrana za užu naučnu oblast „Psihologija“, Filozofski fakultet Univerziteta u Tuzli
Član komisije	Dr. sc. Erna Emić, docent izabrana za užu naučnu oblast „Primijenjene naučne psihološke discipline“, Filozofski fakultet Univerziteta u Tuzli
Član komisije	-
Član komisije	-
Zamjenski član	doc. dr. Elvis Vardo
Dodatni detalji i lokacija	Dana 11.02.2016. godine u 13:00 sati na Filozofskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.